

REZON KI FÈ KRETYEN YO DWE DIFERAN

Nòt pou oratè a:

Ede moun nan oditwa a pou yo wè e pou yo konprann nesesitye pou nou menm antanke kretyen nou diferan ak moun nan monn nan, byenke nou dwe viv nan monn nan e nou dwe preche moun ki fè pati monn nan. Nou ka reyisi lè nou suiv konsèy ki nan Pawòl Bondye a ak egzanp Jezi ansanm ak egzanp premye kretyen yo te trase

PIFÒ MOUN SUIV SA MOUN MENM EPÒK AVÈK YO KONSIDERE KÒM PRENSIP MORAL (2 min.)

Majorite moun jodi a pa vle parèt diferan

Lòt moun fè presyon sou yo e byen vit yo fè menm jan ak tout moun

Sa vre ni pou granmoun ni pou jèn

Lè nou aprann laverite, nou menm antanke kretyen, nou abandone fason nou te konn aji ki te sanble ak fason monn nan aji (1P 4:2, 3)

Sa etone ansyen zanmi nou te genyen nan monn nan, e yo ka pase nou nan rizib (1P 4:4)

SÈVITÈ JEWOVA YO TOUJOU DIFERAN (15 min.)

Bondye te mennen nasyon Izrayèl la nan Latè pwomiz e li te mete yo apa (Dt 7:6)

Izrayelit yo te resevwa lòd pou yo rete separe ak nasyon payen yo (Eg 23:32, 33)

Yo te gen yon fil ble anlè franj rad yo pou distenge yo ak lòt nasyon yo, sa ki te mete yo apa e ki te sèvi yo rapèl pou pwoteje yo (Nb 15:38-41; *it-2-F 1144*)

Kretyen ki t ap viv nan premye syèk yo te suiv ansèyman Kris yo, sa te gen ladan l “pa fè pati monn nan” (Jn 15:18-20)

Yo te tèlman diferan ak moun nan monn nan sa te fè yo te rele krisyanis la “Chemen an” (Tr 9:2; 19:9, 23)

Pifò moun te konsidere yo kòm moun ki diferan (*tp-F 123-4*)

Vrè kretyen yo jodi a diferan

Yo pote non Bondye, e avèk fidelite, yo fè gwo efò pou yo obeyi kòmandman l yo (Sm 83:18; Iz 43:10, 12)

Yo fè efò pou yo rete san tach parapò ak monn nan (Jk 1:27)

Moun sensè k ap suiv fason yo viv wè diferans lan klè (Jn 13:35; *g94-F 22/12 13*)

Lòt moun kapab pèsekite yo akòz diferans sa a (2Ti 3:12)

Menm jan ak Moyiz, yo chak pèsoneyman yo chwazi kite yo maltrete yo ansanm ak pèp Bondye a olye yo pran plezi pou yon ti tan nan peche (Eb 11:24, 25)

Kretyen yo anba dominasyon Wayòm Bondye a

Yo se ‘etranje e yo se moun ki depasaj’ nan monn sa a (1P 2:11)

Y ap tann pou yo viv pou toutan nan monn nouvo jis Bondye a (2P 3:13)

Antanke disip Jezi Kris, nou ta dwe fè efò pou nou panse e pou nou aji ann amoni ak prensip Kris yo

Sa separe nou ak monn nan, e sa mete aksan sou diferans ki genyen ant nou menm ak li

Sa pa vle di n ap izole tèt nou e n ap tounen moun k ap viv poukont nou lwen lòt moun (Jn 17:15, 16)

Olye de sa, antanke disip Jezi, yo ‘voye nou nan monn nan’ pou nou fè lòt moun konn laverite (Jn 17:18)

Kretyen yo dwe sèvi kòm “limyè pou monn nan” (Mt 5:14-16; Fp 2:15)

Travay predikasyon ak travay fè disip n ap fè a se youn nan bagay ki fè nou diferan (Mt 24:14; 28:19, 20)

ANNOU FÈ FAS AVÈK KOURAJ AK PRESYON LÒT MOUN FÈ SOU NOU (4 min.)

Dezi nou genyen pou moun konnen nou e pou yo aksepte nou se yon dezi ki fò anpil

Menm apot Pyè te pran nan pyèj sa a yon fwa (Ga 2:11-14)

Ki jan nou kapab reyisi fè fas ak presyon lòt moun ap fè sou nou?

Aprann konnen Jewova e konsidere l kòm yon zanmi

Devlope yon gwo lanmou ni pou li ni pou konsèy li yo (Sm 119:9-11, 105)

Frekante moun ki gen prensip elve menm jan avè w (Pw 13:20; 2Ti 2:22)

Pa pè moun; chèche gen kouraj ak konviksyon (Pw 29:25)

Jèn kretyen yo an patikilye dwe suiv konsèy sa a

[Bay yon egzanp pou montre kòman pou yo fè fas ak presyon kamarad yo fè sou yo nan lekòl (*yp-F 73-80*)]

DIVÈS DOMÈN KOTE KRETYEN YO DIFERAN (20 min.)

Se Wayòm nan kretyen yo dwe chèche an premye, se pa enterè materyèl

Pifò moun lage kò yo nèt nan aktivite lavi a, yo konsantre sou posiblite pou yo posede depi se bagay materyèl monn nan ofri yo

Kretyen yo wè li ensanse pou moun ap eseye ‘sèvi ak monn nan nèt’ e pou yo bay bagay ki gen pou pase yo anpil valè (1Ko 7:29-31; 1Jn 2:15-17)

Objektif nou se Wayòm nan, se pa chèche gen yon bèl vi oswa gen richès nan monn sa a k ap trepase (Mt 6:31, 32)

Nou chak ta dwe mande tèt nou: ‘Nan ki sa m ap fè karyè? Èske sèvis aplentan se pa yon bonjan objektif mwen ta ka chèche atenn?’

Pran egzanp apot Pòl (Wm 11:13, 14)

Kretyen yo pa moun ki “renmen plezi” (2Ti 3:4)

Yo dwe aprann chwazi ki detant y ap pran

Yo suiv konsèy ki nan 1 Timote 4:7, 8 la ak nan 1 Korentyen 10:31 an

Jèn yo dwe pran prekosyon anrapò ak aktivite lekòl yo òganize an deyò kou yo (*sj-F* 22-5)

Kretyen yo limite kantite moun k ap nan detant y ap òganize

Gwo rasanbleman difisil pou sipèvize e yo kapab gen move efè sou moun ki la yo, ni nan domèn espirityèl ni nan domèn fizik (*km-F* 9/95 2; *od-F* 139-40)

Kretyen yo kenbe bon prensip moral (Fp 4:8)

Prensip monn nan ap deteryore, y ap vin pi mal chak jou

Ekriti yo pale byen klè sou pozisyon kretyen yo ta dwe pran (1Ko 6:9, 10; Eb 13:4)

Yo dwe metrize tout fòm dezi lachè e yo dwe evite detant oswa lekti ki gen tandans eksite dezi lakay moun

Detant sa yo gen ladan yo dans ki endesan e ki chokan, mizik k ap pouse moun gen move dezi, sa ki vin tèlman kouran nan monn nan

Se sèlman moun ki gen gwo respè pou lwa jis Jewova yo pou nou frekante (1Ko 15:33)

Kretyen yo diferan nan fason yo abiye ak nan stil yo fè nan tèt yo

Fason nou abiye idantifye nou ak yon gwoup oswa ak yon kategori moun

Yo te idantifye Eliya grasa rad pwofèt li te gen sou li a (2Wa 1:2-8)

Rad nou bay yon bon oswa yon move enpresyon sou nou (*yp-F* 90)

Rad yon moun mete ka fè yo asosye l ak bagay ki pa onorab

Èske nou kouri imite mòd ki endesan ki parèt nan monn nan?

Si paran yo rann yo kont lespri monn nan enfliyanse pitit yo nan fason yo abiye ak nan stil yo fè nan tèt yo, yo ta dwe fè gwo efò pou yo touche kè timoun yo e pou yo ede yo wè nesessite pou yo fè chanjman

Paran yo ta dwe bay bonjan egzanp (1P 3:3, 4)

Lè nou modès, sa ap pwoteje nou kont monn mechan an ki lwen Bondye

BYENFÈ NOU JWENN LÈ NOU SUIV PRENSIP KRETYEN YO DWE SUIV (4 min.)

Lè nou respektè prensip kretyen yo dwe suiv e lè nou rete diferan parapò ak monn nan, sa pote anpil benediksyon pou nou

Nou kapab sèvi Bondye nou an avèk yon konsyans ki klè e n ap gen apwobasyon l

N ap jwenn pwoteksyon kont Satan, chèf monn sa a, ansanm ak manèv li yo (Jn 14:30; Ef 6:10-13; 1Jn 5:19)

Prensip yo ap pèmèt nou rete nan wout ki jennen k ap mennen nan lavi ki pap janm fini an (Mt 7:13, 14)

Si nou vle jwenn favè Jewova ak benediksyon l, nou dwe diferan!

Pa janm bliye, “se pase monn nan ap pase, e dezi li genyen ap pase tou, men moun ki fè volonte Bondye ap rete pou toutan” (1Jn 2:17)

Nou swete pou nou pami moun sa yo!

(Byen suiv plan an e respektè tan yo prevwa pou chak pati diskou a. Li pa nesessè pou w li tout tèks yo bay kòm referans yo oswa pou w fè kòmantè sou tout)